



Inatsisartunut ilaasortaq,  
Doris J. Jensen  
Siumut

### § 37 naapertorlugu apeqqummut akissuteqaat

Inatsisartut suleriaasissaanni § 37 imm. 1 naapertorlugu qassusersorluni qaleralinniarneq aammalu kommunit ileqqoreqqusaata il.il. inatsisitigut tunngavii pillugit Naalakkersuisunut apeqquteqarputit: Apeqqut suliasaqarfigisannit akineqartussanngorlugu innersuunneqarpoq.

#### Naalakkersuisunut apeqqutigisat:

##### 1. Qaleralinniarnermi nalunaarut malillungu, qaleralinnut qassusersorneq kommuunip ileqqoreqqusaliornerisigut atorneqarsinnaavoq, tamatumunnga inatsit suna toqqammavua?

Akissut: Sinerissap qanittuani qaleralinniarneq pillugu Namminersorlutik Oqartussat nalunaarutaat nr. 46, 14. december 2020-imeersumi § 8 imm. 2 naapertorlugu inatsimmut/inatsisitigut tunngavimmut innersuussisoqarpoq. Ilisimatitsissutigineqarsinnaavoq, inatsimmut tunngaviusut nalunaarutip aallaqqaataani ersittartut. Nalunaarut tamakkiisumik maani [https://inatsisit.gl/Lov?rid=%7b16EA7447-D5FB-4162-991B-C482CCC12AA7%7d&sc\\_lang=kl-GL](https://inatsisit.gl/Lov?rid=%7b16EA7447-D5FB-4162-991B-C482CCC12AA7%7d&sc_lang=kl-GL), atuarneqarsinnaavoq, tassanilu ersippoq nalunaarut Aalisarnerpillugu Inatsisartut inatsisaanni nr. 18, 31. oktober 1996-imeersumi kingusinnerusukkullu allanngortinneqartumi § 10, § 10a, § 10b, § 13, imm. 2 aamma imm. 3, § 23, § 33, imm. 1, nr. 3 aamma imm. 2 aamma § 34, imm. 3 naapertorlugit atulersinneqartoq.

Taakkunani § 23 imm. 2 ima oqaasertaligaq ersersinneqarsinnaavoq:

Kapital 8. Eqqissisimatitsineq, piujuartitsinissaq siunertaralugu teknikkikkut iliuitsit il.il.

**§ 23.** Naalakkersuisut pisuussutit illersorneqarnissaat pillugu, ilaatigut makku pillugit, malittarisassiorsinnaapput

- 1) Piffissat eqqissisimatitsiviusut aamma sumiiffiit aalisarfigeqqusaanngitsut,
- 2) angallatit sannaat atorneqarnerilu, tassunga ilanngullugu atortut aalisariaatsillu aalajangersimasut atorneqarnissaannut inerteqqutit;
- 3) aalisarnermi ileqqorissaarnissamut malittarisassat;
- 4) aalisakkat il.il. minnerpaaffissaat;
- 5) nigartat angissusissaat taakkulu uuttortarneqarnissaat, kiisalu,
- 6) aalisakkanik allanik aalisarnermi aalisakkanik aalajangersimasumik annertunerpaamik saniatigut pisarineqarsinnaasut.

Imm. 2. Taamaattorli Naalakkersuisut piginnaatitsineratigut malittarisassat imm. 1, nr.

1)-3)-mi taaneqartut kommunimut ataatsimut kommunalbestyrelsimit pineqartumit naalakkersuisunit akuerineqartumik suliarineqarsinnaapput.

Tassa imaappoq, aalisarnermut inatsit qaleralinniarnermut nalunaarummut aamma § 8 imm. 2-mut tunngaviuvoq.

27-05-2021

Suliap normua: 2021-9775

All. nr. 16857110

Postboks 269

3900 Nuuk

Oqarasuaat (+299) 34 50 00

Fax (+299) 34 63 55

E-mail: apn@nanoq.gl

www.naalakkersuisut.gl

**2. Qalerallinniarluni qassusersorneq inerteqqutaasoq nalunaarutikkulli ajornartinneqanngitsoq qanoq aqqiiviginiarlugu Naalakkersuisut suliniuteqarniarpat?**

Qassusersorluni aalisarnerup inerteqqussutaanera pillugu aalisarnermut inatsimmi aammalu nalunaarummi taaneqartumi aporaattoqarnerannut ersittoqanngilaq.

Inussiarnersumik inuulluaqqusillunga



Aqqaluq B. Egede

Aalisarnermut Piniarnermullu Naalakkersuisoq